



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

24.02.2025

169-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Ichki tartib qoidalari, Odob-axloq kodeksi va rektori buyruqlari hamda boshqa hujjatlarda belgilangan qoidalarni buzish holatlari kuzatilmoqda.

Jumladan, universitet rektorining 2025-yil 30-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2024/2025-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 90-tm-son buyrug'iga muvofiq Jinoiy odil sudlov fakulteti 4-bosqich talabalari 2025-yilning 10-fevralidan 23-apreliga qadar bitiruv malakaviy amaliyot o'tashi belgilangan.

Universitet rektorining mazkur 90-tm-son buyrug'iga muvofiq Jinoiy odil sudlov fakulteti 4-bosqich talabasi Shavkatov Islomjon Sardor o'g'liga bitiruv malakaviy amaliyot o'tash joyi sifatida Toshkent shahridagi "Yurist konsalting ekspertiza" advokatlik byurosi hamda universitetdan amaliyot rahbari sifatida Konstitutsiyaviy huquq kafedrasida o'qituvchisi Abdurayimov Muhammad Suvonqul o'g'li biriktirilgan.

2025-yilning 10-fevral sanasidan 4-bosqich talabalarining bitiruv malakaviy amaliyoti boshlangan bo'lsada, ammo 4-bosqich talabasi I.Shavkatov Jinoiy odil sudlov fakulteti dekanati xodimlari hamda universitetdan amaliyot rahbari sifatida biriktirilgan Konstitutsiyaviy huquq kafedrasida o'qituvchisi M.Abdurayimovni ogohlantirmasdan va o'zboshimchalik bilan O'zbekiston Respublikasini tark etib, Tailand davlatiga ketgan.

4-bosqich talabasi I.Shavkatovning o'zboshimchalik bilan O'zbekiston Respublikasini tark etganligi, belgilangan vaqtda bitiruv malakaviy amaliyotga

bormaganligini aniqlagan amaliyot rahbari M.Abdurayimov Jinoiy odil sudlov fakulteti dekanining nomiga ikki marta yozma ravishda bildirgi bilan murojaat qilib, holat haqida xabardor qilgan.

Yuqoridagi holat yuzasidan 2025-yil 11-fevral kuni 4-bosqich tyutori Sh.Xaitov talaba I.Shavkatovning otasi Xasanov Sardorbek Shavkatovich bilan uyali aloqa vositasi orqali bog'lanib, farzandi haqida so'raganida fuqaro S.Xasanov farzandi haqiqatdan ham O'zbekiston Respublikasida emasligini, Tailand davlatiga ketganligini ma'lum qilgan.

Talaba I.Shavkatov o'z tushuntirish xatida 4-bosqich talabalarining bitiruv malakaviy amaliyoti 2025-yilning 10-fevralidan 23-apreliga qadar davom etishi haqida 2025-yil 31-yanvar kuni xabar topganligini, oilaviy iqtisodiy holatini yaxshilash uchun 2025-yil 10-fevral kuni Tailand davlatiga yetti kunga uchib ketganligini, 2025-yil 17-fevral kuni soat 17:30 da O'zbekiston Respublikasiga qaytganligini bayon qilgan.

4-bosqich talabasi I.Shavkatov mazkur harakatlari bilan Toshkent davlat yuridik universiteti Ichki tartib qoidalarining 55-band a) kichik bandi 8-xatboshida belgilangan qoidani (talaba o'quv mashg'ulotlari va nazorat imtihonlari vaqtida xorijiy davlatlarga chiqmoqchi bo'lganda, bu haqida safarga chiqish kunidan kamida yetti kun oldin fakultet dekanini yozma ravishda xabardor qilish va ruxsat olish (universitet tomonidan akademik almashinuv dasturi doirasida va boshqa masalalarda xorijiy davlatlarga yuborish holatlari bundan mustasno)) buzgan.

Yuqoridagilarni inobatga olgan holda Toshkent davlat yuridik universiteti Ichki tartib qoidalarining 55-band a) kichik bandi 8-xatboshi va 83-bandiga asosan

### **BUYURAMAN:**

1. Toshkent davlat yuridik universiteti Ichki tartib qoidalarining 55-band a) kichik bandi 8-xatboshida belgilangan talablarni buzganligi uchun Jinoiy odil sudlov fakulteti 4-bosqich talabasi Shavkatov Islomjon Sardor o'g'liga hayfsan e'lon qilinsin.

2. Fakultet dekani (K.Hakimov):

mazkur buyruq mazmun-mohiyatini 4-bosqich talabalari e'tiboriga yetkazishi va keng muhokama qilinishini ta'minlasin;

mazkur talabani shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

3. Mazkur buyruq ijrosining nazoratini o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

K.HAKIMOV

**Kelishildi:**

Direktor

SH.PO'LOTOV



Katta yuriskonsult

A.TURSUNOV



Boshqarma boshlig'i

S.BOZAROV

